



Broj: 03-45-1956-2/2024  
Bihać, 13.2.2024. godine

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
SKUPŠTINA UNSKO-SANSKOG KANTONA

PRILAGODBA			
Opis	Dostavljeno	Preuzeto	Primljeno
012-02-03-11/24			

SKUPŠTINA UNSKO-SANSKOG KANTONA

PREDMET: Informacija o stanju migrantske krize na području Unsko-sanskog kantona,  
dostavlja se

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Informaciju o stanju migrantske krize na području Unsko-sanskog kantona, uz sljedeće

### O b r a z l o ž e n j e


Vlada Unsko-sanskog kantona je na 18. sjednici, održanoj dana 13.2.2024. godine, razmatrala i Zaključkom broj: 03-02-51-268/2024 prihvatila Informaciju o stanju migrantske krize na području Unsko-sanskog kantona, koja vam se upućuje na razmatranje i usvajanje.

S poštovanjem.

Prilog: Informacija o stanju migrantske krize na području Unsko-sanskog kantona (4x)

Dostavljeno:  
1. Naslovu  
2. a/a





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), Vlada Unsko-sanskog kantona na 18. sjednici, održanoj dana 13.2.2024. godine, d o n o s i

## ZAKLJUČAK

### I

Prihvata se Informacija o stanju migrantske krize na području Unsko-sanskog kantona s tim da se ista proslijedi Skupštini Unsko-sanskog kantona na razmatranje i usvajanje.

### II

Ovaj Zaključak stupa na snagu danom donošenja.

Broj: 03-02-51-268/2024  
Bihać, 13.2.2024. godine



## I N F O R M A C I J A

### o stanju migrantske krize na području Unsko-sanskog kantona

Postupajući po Zaključku Kolegija Skupštine Unsko-sanskog kantona broj. 02/1-02-19-4/24 od 15.1.2024. godine, Operativna grupa za koordiniranje aktivnosti i nadzora nad migrantskom krizom na području Unsko-sanskog kantona održala je 18.1.2024. godine radnu sjednicu na kojoj je razmatrano stanje na području Kantona s aspekta sigurnosne situacije u kampovima „Lipa“ i „Borići“, kao i s aspekta sigurnosne situacije građana Unsko-sanskog kantona. Na sjednici je konstatovana trenutno dobra koordinacija rada državnih institucija te humanitarnih i međunarodnih organizacija uključenih u migracijske procese.

Konstatovano je da su smještajni kapaciteti u navedena dva kampa na području Unsko-sanskog kantona na granici popunjenosti, ali da je opća situacija zadovoljavajuća.

Operativna grupa za koordiniranje aktivnosti i nadzora nad migrantskom krizom na području Unsko-sanskog kantona će aktivno pratiti migrantska kretanja kako bi u slučaju eventualnih promjena u migrantskim tokovima, u sklopu nadležnosti i resursa, u suradnji sa državnim institucijama i EU agencijama mogla pravovremeno reagovati, a sve u cilju izbjegavanja krizne situacije.

Radi detaljnijeg pregleda trenutnog stanja i eventualnih mjera, zaključkom Operativne grupe za koordiniranje aktivnosti i nadzora nad migrantskom krizom na području Unsko-sanskog kantona zaduženi su svi članovi, da svako iz svoje nadležnosti, dostavi Vladi Unsko-sanskog kantona pisanu informaciju o stanju migrantske krize uključujući podatke o trenutnoj, sigurnosnoj, zdravstvenoj i epidemiološkoj situaciji prouzrokovanoj migrantskom krizom, kao i prijedlog mjera za unapređenje i poboljšanje trenutne situacije.

U prilogu se nalaze informacije članova Operativne grupe za koordiniranje aktivnosti i nadzora nad migrantskom krizom na području Unsko-sanskog kantona i to:

1. Informacija o stanju migranata na području USK-a za 2023. godinu s aspekta sigurnosne situacije, obrađivača Ministarstva unutrašnjih poslova s prijedlogom slijedećih mjera:
  - a) Uprava policije MUP USK će nastaviti rad po Okvirnom planu mjera i aktivnosti Uprave policije broj: 05-04/04-268/18 od 30.5.2018. godine i zavedenoj Operativnoj akciji pod nazivom „Migrant“;
  - b) u suradnji sa Kantonalnom upravom za inspeksijske poslove, raditi na pojačanoj kontroli saobraćaja Taxi vozila i drugih vozila sa kojima se vrši prevoz migranata kao i vršiti pojačanu kontrolu privatnih iznajmljivača koji pružaju usluge smještaja stranim državljanima – migrantima;
  - c) u suradnji sa Službom za strance raditi na pojačanim aktivnostima na pronalasku migranata na području USK-a, koji se nalaze u napuštenim objektima, livadama i slično, a isto tako od navedene službe prikupljati tačne podatke o registrovanim migrantima na području USK-a, kao i migrantima koji su na područje USK-a smješteni, a prihvaćeni su iz R Hrvatske putem readmisije;
  - d) u suradnji sa Graničnom policijom BiH raditi na otkrivanju i spriječavanju pojava krijumčarenja ljudi;
  - e) intenzivirati saradnju sa pripadnicima Direkcije za koordinaciju policijskih tijela koji trenutno vrše osiguranje imigracionih kampova na području USK-a u smislu

- dostavljanja bezbjedonosno interesantnih informacija Upravi policije, a koji se tiču korisnika kampova;
- f) Tražiti od Ministarstva sigurnosti BiH da u skladu sa Zakonom vrši readmisiju migranata u zemlje iz kojih su došli na područje BiH, a koji se nalaze na području Unsko-sanskog kantona.
2. Informacije u vezi zdravstvene i epidemiološke situacije s preporukama dostavljene od ZU KB „dr Irfan Ljubijankić“, ZU Zavod za javno zdravstvo i Ministarstva zdravstva, rada i socijalne politike iz kojih je vidljivo da se, između ostalog, predlaže:
- a) da međunarodne organizacije koje pružaju pomoć migrantima imaju dostupne prevodioce kako bi u tom dijelu saradnje sa Kantonalnom bolnicom bilo što manje problema u komunikaciji;
  - b) po preporuci Kantonalne bolnice, traži se ostvarivanje bolje saradnje između Ministarstva unutrašnjih poslova i predstavnika DRC, obzirom da račune za usluge pružene licima koje policija dovodi na preglede niko ne plaća, te bi stoga bilo potrebno urediti i postupanje MUP USK-a, u situacijama kada se putem policije dovode migranti u Kantonalnu bolnicu;
  - c) zbog povećanog broja korisnika i dalje se preporučuje čišćenje i dezinfekcija sanitarnih čvorova kako bi se spriječilo širenje neugodnih mirisa i moguće pojave infekcije i zaraznih bolesti;
  - d) Pojačano čišćenje i dezinfekcija zajedničkih prostorija;
  - e) Kontinuirana edukacija korisnika kampa o prevenciji zaraznih bolesti;
  - f) Edukacija osoblja i korisnika centra o suzbijanju stjenica;
3. Informacija, Kantonalne uprave za inspeksijske poslove s preporukom:
- a) da je jedan od načina poboljšanja trenutne situacije, kada je u pitanju migrantska kriza, a u kontekstu poslova i mjera koje Kantonalna uprava za inspeksijske poslove u okviru svoje nadležnosti može poduzeti, nastavak pojačanih aktivnosti, a posebno kad je u pitanju kontrola pravnih i fizičkih lica koja se bave prijevozom stranih lica (migranata).
4. Iz Informacije Crvenog križa Unsko-sanskog kantona, je vidljivo da je situacija sa migrantima stabilna i pod kontrolom.
5. Kantonalna uprava civilne zaštite je u svom aktu navela da u okviru svojih nadležnosti nema aktivnosti koje se odnose na postupanje sa migrantskom populacijom.

Napominjemo da se naprijed pobrojane informacije i prijedlozi mjera zaprimljeni od strane citiranih organa i isti se dostavljaju u prilogu ove Informacije kao njen sastavni dio.



03

BOSNA I HERCEGOVINA  
FEDERACIJA BOSNE I  
HERCEGOVINE  
UNSKO-SANSKI KANTON  
MINISTARSTVO UNUTRAŠNJIH  
POSLOVA



BOSNIA AND HERZEGOVINA  
FEDERATION OF BOSNIA AND  
HERZEGOVINA  
THE UNA-SANA CANTON  
MINISTRY OF THE INTERIOR

KABINET MINISTRA

Broj: 05-01-04-15/24/AB

Dana: 02.02.2024.godine

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
BIHAĆ

Organizaciona jedinica	Klasifikaciona oznaka	Redni broj	Broj priloga
03	06-1183	1183	4/24

VLADA UNSKO-SANSKOG KANTONA

PREDMET: Informacija o stanju migranata na području USK za 2023.godinu, dostavlja se.  
VEZA: Vaš akt broj: 03-45-1183-1/24 od 29.01.2024.godine.-

U prilogu akta dostavljamo Vam Informacija o stanju migranata na području USK za 2023.godinu broj: 05-04/04-1-30/24 JP od 01.02.2024.godine, sa aspekta sigurnosne situacije, a vezano za zaključak Operativne grupe za koordiniranje aktivnosti nadzora nad migrantskom krizom na području Unsko-sanskog kantona.

Prilog: kao u tekstu.-

Obradivač: Arapović Bekira

Dostavljeno:

- Naslovu,
- a/a.




MINISTAR

Adnan Habibija

502. Viteške brigade br.2; 77000 Bihać, BiH, Tel: +387/37/224 224, Fax: +387/37/ 221-560

Web: [www.mupusk.gov.ba](http://www.mupusk.gov.ba), e-mail: [mupusk@mupusk.gov.ba](mailto:mupusk@mupusk.gov.ba), [info@mupusk.gov.ba](mailto:info@mupusk.gov.ba)

BOSNA I HERCEGOVINA  
FEDERACIJA BOSNE I  
HERCEGOVINE  
UNSKO-SANSKI KANTON  
MINISTARSTVO UNUTRAŠNJIH  
POSLOVA



BOSNIA AND HERZEGOVINA  
FEDERATION OF BOSNIA AND  
HERZEGOVINA  
THE UNA-SANA CANTON  
MINISTRY OF THE INTERIOR

## UPRAVA POLICIJE

Broj: 05-04/04-1- 30/24 JP

Dana: 01.02.2024.godine

MUP USK  
n/r MINISTRA

PREDMET: Informacija o stanju migranata na području USK-a za 2023.godinu, dostavlja se.-

Veza: Akt Vlade Unsko-sanskog kantona broj:03-45-1183-1/24 od 29.01.2024 godine

U cilju adekvatnog suočavanja sa problematikom povećanog prisustva stranaca- migranata na USK, odnosno obezbjeđenja povoljnog sigurnosnog stanja na USK, Uprava policija je sačinila Okvirni plan mjera i aktivnosti Uprave policije broj:05-04/04-268/18 od 30.05.2018.godine i zavela Operativnu akciju pod nazivom "Migrant", kojim su određeni poslovi i zadaci policije u vezi migrantske krize na USK i po kojem postupaju sve organizacione jedinice Uprave policije MUP USK.

Kao i u proteklim godinama i u 2023.godini na područje USK primjetno je prisustvo stranaca - migranata iz Sirije, Libije, Avganistana, Pakistana, Alžira, Maroka, Tunisa, Palestine, Iraka, Irana, Kube, Burkine Faso, Eritreje, Nigerije, DR Kongo i drugih afričkih i azijskih zemalja. Najveći broj migranata je ilegalno ušao u Bosnu i Hercegovinu iz Republike Srbije i Republike Crne Gore i isti pokušavaju da otputuju u zemlje Zapadne Evrope koristeći BiH kao tranzitnu destinaciju. Koristeći pravo slobode kretanja u Bosni i Hercegovini iz Zakona o strancima i Zakona o azilu, stranci-migranti iz svih dijelova BiH dolaze na USK i duž cjelokupne državne granice svakodnevno ilegalno prelaze u Republiku Hrvatsku, gdje u najvećem broju slučajeva budu spriječeni u daljem kretanju od strane Granične policije BiH i od strane policije Republike Hrvatske.

Problem sa migrantima je i dalje složen usljed evidentiranih bezbjedonosno interesantnih događaja čiji su akteri stranci- migranati, kao i primjetne netrpeljivosti među različitim etničkim grupama stranaca- migranata, zbog čega je potrebno da se održavaju sastanci sa predstavnicima Ministarstva sigurnosti i Međunarodne organizacije za migracije (IOM), a sve u cilju iznalaženja rješenja za probleme vezane za boravak stranaca- migranata na području Unsko- sanskog kantona.

### LEGITIMISANO MIGRANATA

U 2023.godini evidentno je smanjenje priliva broja migranata na područje USK-, u odnosu na isti period 2022.godine, koji su legitimisani na području USK od strane policijskih službenika.

Policijski službenici Uprave policije MUP USK-a su u izvještajnom periodu 2023.godine legitimisali ukupno 980 migranata i to na području: Grada Bihaća-255 migranata, Općine Bosanski

Petrövac-3, Grada Cazin-58, Općine Ključ-1, Općine Velika Kladuša-238, Grada Bosanska Krupa-138 i Općine Bužim-287, među kojima je i 16 maloljetnih lica-migranata evidentiranih na području Grada Bihaća-14 i Općine Velika Kladuša-2. Broj legitimisanih migranata je smanjen za 7894 lica u odnosu na isti period 2022.godine (8874).

## SMJEŠTAJNI KAPACITETI (IOM) ZA MIGRANTE

Prema podacima Međunarodne organizacije za migracije, na dan 31.12.2023.godine u smještajnim kapacitetima na području USK-a boravi 1160 migranata i to na području Grada Bihaća, u kampu „Borići“-250 i Tranzitnom migrantskom centru „Lipa“- 910 migranata. U odnosu na isti period 2022.godine povećan je broj za 865 lica.

Prema slobodnoj procjeni na dan 31.12.2023.godine na području USK-a boravi još oko 650 migranata koji se nalaze u napuštenim objektima, livadama ili privatnom smještaju (na području Grada Bihaća- oko 350 migranata, Grada Cazina- oko 200 migranata i općine Velika Kladuša – oko 100 migranata). U odnosu na isti period 2022.godine povećan je broj za 310 lica ili 90%.

Postupajući u skladu sa Naredbom policijskog komesara Uprave policije MUP USK broj:05-04-33/18/MV od dana 23.10.2018.godine, policijski službenici USK na svim rubnim dijelovima USK onemogućavaju dalji priliv i dolazak migranata na USK i iste vraćaju na polazna odredišta, te je u proteklom periodu 2023.godine na polazna odredišta vraćeno 596 migranata (PS Bihać-320, PS Vlika Kladuša-81, PS Bosanska Krupa-90 i PS Bužim-105).

U izvještajnom periodu januar-decembar 2023.godine, nakon obavještanja službenika IOM-a dalje kretanje prema Bihaću i raspoloživim smještajnim kapacitetima nastavilo je 137 migranata i isti su upućeni sa područja Bosanskog Petrovca-3, Velike Kladuše-86 i Bosanske Krupe-48. Evidentirani su i slučajevi upućivanja migranata sa područja našeg kantona u druge kampove u BiH u kojima su migranti predhodno boravili („Blažuj“ i „Ušivak“-8 migranata).

U izvještajnom periodu januar-decembar 2023.godine 28 migranata je lišeno slobode od strane policijskih službenika (PS Bihać-24, PS Cazin-1, PS Ključ-1 i PS Velika Kladuša-2). U odnosu na isti period 2022.godine (44), smanjen je broj migranata lišenih slobode za 16 ili 36%.

U izvještajnom periodu Službi za poslove sa strancima, Terenskom uredu Bihać predato je 468 migranata od strane policijskih službenika i to PS Bihać-102 i PS Cazin-366. U odnosu na izvještajni period 2022.godinu (172) evidentno je povećanje za 296.

**Zaključno sa danom 31.01.2024** godine prema podacima dostavljenim od strane IOM-a u smještajnim kapacitetima na području USK-a boravi 1780 migranata i u kampu „Borići“- 330 migranata i Tranzitnom migrantskom centru „Lipa“- 1450 migranata. U poređenju sa danom 31.12.2023 godine, vidljivo je da je doslo do povećanja broja migranata za 620.

## KRIVIČNA DJELA

U izvještajnom periodu januar-decembar 2023.godine policijski službenici Uprave policije MUP USK su evidentirali ukupno 20 krivičnih djela koje su počinili migranti i to 18 KD po poznatom i 2 KD po nepoznatom izvršiocu, za koja postoje osnovi sumnje da su počinjeni od strane migranata. U odnosu na uporedni period 2022.godine (44 krivična djela), evidentno je da je došlo do smanjenja ukupnog broja krivičnih djela za 24 ili 54,5%.

U izvještajnom periodu januar-decembar 2023.godine ukupno je evidentirano 18 krivičnih djela koja su počinili migranti po poznatom (na štetu BiH građana i migranti prema migrantima), u odnosu na 2022.godinu (25 KD) broj krivičnih djela manji je za 7 ili 28%.

U izvještajnom periodu evidentirano je 13 krivičnih djela po poznatom koja su počinili migranti na štetu BiH građana i to krivična djela „Posjedovanje i omogućavanje uživanja opojnih droga na javnom mjestu“-3, „Neovlaštena proizvodnja i stavljanje u promet opojnih droga“-2, „Teška krađa“-1, „Krađa“-3, „Oštećenje tuđe stvari“-1, „Oduzimanje tuđe pokretne“-1, „Paljevina-1 i „Nedozvoljeno držanje oružja ili eksplozivnih materija“-1. Za ova krivična djela prijavljeno je 13 lica-migranata, od kojih je 12 zadržano u prostorijama za zadržavanje (8 migranata predato nadležnom postupajućem Tužiocu). U odnosu na uporedni period 2022.godine (18 KD), smanjen je broj krivičnih djela za 5 ili 27%.

U 2023.godini evidentirano je 5 krivičnih djela koja su počinili migranti prema migrantima i to krivična djela „Nanošenje TTP“-1, „Razbojništvo“-2 i „Otmica“-2. Za ova krivična djela prijavljeno je 10 migranata, od kojih je 9 zadržano u prostorijama za zadržavanje (4 migranta predato nadležnom postupajućem Tužiocu). U odnosu na uporedni period 2022.godine (7 KD), broj KD je smanjen za 2 ili 29%.

Evidentirana su 2 krivična djela koja su počinili BiH građani prema migrantima i to KD „Krijumčarenje ljudi“ i KD „Nasilničko ponašanje“. Za navedena krivična djela prijavljeno su tri lica, državljani BiH. U odnosu na uporedni period 2022.godine (2 KD) broj krivičnih djela je identičan.

U izvještajnom periodu januar-decembar 2023.godine prijavljena su i dva krivična djela po nepoznatom izvršiocu ili više njih za koje postoje indicije i saznanja da su počinjeni od strane migranata i to krivična djela „Razbojništvo“ i „Nanošenje LTP“, te se poduzimaju dalje mjere i radnje na rasvjetljavanju i otkrivanju izvršioca.

## NARUŠAVANJA JAVNOG REDA I MIRA

U izvještajnom periodu januar-decembar 2023.godine migranti su počinili 13 narušavanja javnog reda i mira, u kojima je počinjeno 13 prekršaja (7 prekršaja migranti prema BiH građanima i 6 prekršaja migrant prema migrantu).

U evidentiranih sedam narušavanja javnog reda i mira od strane migranata prema BiH građanima, počinjeno je 7 prekršaja (Zakon o JRiM, prekršaji po gradskim/općinskim odlukama i prekršaje iz ostalih propisa) i to „Tuča-fizički napad“-1 „Vika, galama, drsko ponašanje“- 1, „Naročito drsko ponašanje“- 1 „Uživanje opojnih droga na javnom mjestu“-3 i „Neovlašten ulazak u tuđe dvorište“-1. Za počinjene prekršaje prijavljeno je sedam migranata. U odnosu na uporedni period 2022.godine došlo je do smanjenja narušavanja JRiM za 1 ili 12,5%, te povećan broj prekršaja za 2 ili 22%.

U 2023.godini evidentirano je šest narušavanja javnog reda i mira od strane migranata prema migrantima, gdje je počinjena šest prekršaja (Zakon o JRiM, prekršaji po gradskim/općinskim odlukama i prekršaje iz ostalih propisa) i to „Tuča-fizički napad“-5 i „Učestvovanje u tuči“-1, za koja je prijavljeno 12 migranta. Narušavanja javnog reda i mira evidentirana su od strane policijskih službenika PS Bihać-5 i PS Cazin-1. U odnosu na uporedni period 2022.godine povećan je broj narušavanja javnog reda i mira i broja prekršaja za 4 ili 100%.

Evidentirana su tri narušavanja javnog reda i mira od strane BiH građana prema migrantima, gdje su počinjena tri prekršaja (Zakon o JRiM, prekršaji po gradskim/općinskim odlukama i

prekršaje iz ostalih propisa) i to „Fizički napad“-2 i „Neosnovano pozivanje važnih telefonskih brojeva, bitnih službi/ policije i dr.“, za koja su prijavljena tri lica, BiH državljani. U odnosu na uporedni period 2022.godine (1 narušavanje JRiM, 2 prekršaja), došlo je do povećanja broj narušavanja javnog reda i mira za 2 i broj prekršaja za 1 ili 50 %.

## INCIDENTI

Policijski službenicu su također evidentirali 167 ostalih događaja- incidenata, u koja su bili uključeni migranti i to PS Bihać-84, PS Bosanski Petrovac-1, PS Cazin-46 i PS Velika Kladuša-36. U odnosu na uporedni period 2022.godine (205) evidentno je smanjen broj incidenata za 38 ili 19%.

## OSTALE AKTIVNOSTI POLICIJE

U izvještajnom periodu provedeno je 55 akcija pojačane kontrole učesnika u saobraćaju na području Unsko- sanskog kantona, a vezano za postupanje i provođenje Operativne akcije „Migrant“. Cilj navenih akcija je bila kontrola vozača i vozila koja mogu poslužiti za transport i krijumčarenje ilegalnih migranata.

Organizacione jedinice u sastavu Uprave policije MUP USK-a, pružile su 18 asistencija (2022.godine 19 asistencija) i to: Kantonalnoj inspekciji-1 (PS Bihać), Službi za poslove sa strancima - Terenskom uredu za strance Bihać-10 (PS Bihać-2 i PS Cazin-8), zdravstvenim ustanovama-1 (PS Cazin) i 6 asistencija SKP i ostalim (PS Bihać-1 i PS Cazin-5).

U izvještajnom periodu na području USK-a od starane policijskih službenika kontrolisano je 416 migranata koji su vraćeni iz R Hrvatske, a po izjavi istih (migranata) nelegalno su vraćeni u BiH od strane hrvatske policije (PS Bihać-40 migranata, PS Cazin-89, PS Velika Kladuša-1 i PS Bužim-286).

## READMISIJA

U skladu sa Sporazumom o readmisiji, potpisanim između Republike Hrvatske i Bosne i Hercegovine, na Graničnom prelazu Izačić iz Republike Hrvatske organizovanim prevozom uz pratnju pripadnika Ministarstva sigurnosti Bosne i Hercegovine, u Bosnu i Hercegovinu je ušlo 1287 migranata, koji su prevezeni u Tranzitni migrantski centar „Lipa“. Navedeni Sporazum o readmisiji počeo je da se primjenjuje od 20.03.2023.godine.

## SMRTNO STRADALI MIGRANTI

U periodu januar-decembar 2023.godine od strane policijskih službenika Uprave policije MUP USK evidentirana su 4 događaja, u kojima su smrtno stradala četiri migranata od kojih su 3 slučaja prirodna smrt na području Općine Velika Kladuša, dok je na području Grada Bihaća se desio 1 slučaj KD „ Ubistvo“ iz člana 166 KZFBiH za koje su u saradnji sa KT USK-a poduzete sve potrebne mjere u pogledu procesuiranja počinioca.

## PRIJEDLOG MJERA:

- Uprava policije MUP USK-a će nastaviti rad po Okvirnom planu mjera i aktivnosti Uprave policije broj:05-04/04-268/18 od 30.05.2018.godine i zavedenoj Operativnoj akciji pod nazivom "Migrant",
- U saradnji sa Kantonalnom Upravom za inspeksijske poslove Bihać raditi na pojačanoj kontroli saobraćaja TAXI vozila i drugih vozila sa kojim se vrši prevoz migranata kao i vršiti pojačanu kontrolu privatnih iznajmljivača smještajnih kapaciteta a koji pružaju usluge smještaja stranim državljanima- migrantima.
- U saradnji sa Službom za strance raditi na pojačanim aktivnostima na pronalasku migranata na području USK-a koji se nalaze u napuštenim objektima, livadama i slično, a isto tako od navedene službe prikupljati tačne podatke o registrovanim migrantima na području USK-a kao i migrantima koji su na područje USK-a smješteni, a prihvaćeni su iz RH putem readmisije.
- U saradnji sa Graničnom policijom BiH raditi na otkrivanju i spriječavanju pojava krijumčarenja ljudi.
- Intenzivirati saradnju sa pripadnicima Direkcije za koordinaciju policijski tijela koji trenutno vrše osiguranje imigracionih kampova na području USK-a u smislu dostavljanja bezbjedonosno interesantni informacija Upravi policije, a koji se tiču korisnika kampova.
- Tražiti od Ministarstva sigurnosti BiH da sukladno Zakonu vrši readmisiju migranata u zemlje iz koji su došli na područje BiH, a koji se nalaze na području USK-a.



502.Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560  
Web: [www.mupusk.gov.ba](http://www.mupusk.gov.ba), e-mail: [mupusk@mupusk.gov.ba](mailto:mupusk@mupusk.gov.ba) , [info@mupusk.gov.ba](mailto:info@mupusk.gov.ba)

03/1

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
BIHAĆ

PRIMLJENO 29-01-2024

Organizaciona jedinica	Klasifikaciona oznaka	Ref.
03/1	33-6	24

Datum: 26-01-2024

Broj: 167/24

**Vlada USK-a  
n/ r Premijera**

**Predmet: Informacija; dostavlja se,**

Poštovani,

dostavljamo Vam traženu informaciju o higijensko - epidemiološkom stanju u TRC Lipa i Borići.

S poštovanjem



VD DIREKTORA:  
Merdisa dr Smajlović

Datum: 26 -01- 2024

Broj: 167/24

**VLADA USK-a**  
n/r premijera

**Predmet: Izvještaj o higijensko- epidemiološkom stanju u migrantskim centrima Lipa i Borići**

Zavod za javno zdravstvo je ustanova čija je osnovna misija omogućiti jasno i efikasno prepoznavanje aktualnih javnozdravstvenih potreba populacije te osigurati preduvjete za efikasno upravljanje istima, s osnovnim ciljem da se očuva i unaprijedi zdravlje populacije.

Da bi se lakše otkrivale epidemije i rano uočavala potencijalna javnozdravstvena hitna stanja u migrantskim centrima, te kako nebi došlo do ugrožavanja zdravlja većeg broja korisnika centara i domicilnog stanovništva, Zavod za javno zdravstvo USK-a redovno vrši epidemiološka izviđanja u migrantskim centrima "Lipa" i "Borići" te na osnovu zatečenog stanja sačinjava izvještaj i daje preporuke.

U posljednje vrijeme došlo je do većeg priliva migranata u oba centra, što predstavlja potencijalnu opasnost od pojave zaraznih bolesti.

Zavod za javno zdravstvo vrši higijensko epidemiološki nadzor svih organizacionih jedinica u tranzitnim centrima i to nad:

- Objektom,
- Hranom,
- Vodosnabdijevanju,
- Higijeni,
- Dispoziciji otpada,
- Kontrolu dezinfekcije, dezinfekcije, deratizacije,
- Epidemiološkoj procjeni smještaja,

### **Hrana**

Sva lica koja su u kontaktu s hranom posjeduju važeće sanitarne listove i certifikate o položenom Tečaju za sticanje potrebnog znanja o zdravstvenoj ispravnosti hrane što je regulirano Zakonom o zdravstvenom nadzoru nad životnim namirnicama i predmetima opće upotrebe (Službeni list BiH br. 8/93 i 13/94), Zakonom o zaštiti stanovništva od zaraznih bolesti (Službene novine FBiH br. 29/05, 2/92 i 13/94) i Pravilnikom o kursevima iz higijenskog minimuma za zaposlene u proizvodnji i prometu životnih namirnica (Službeni list br. 30/88). također je konstatovano da sva lica koja dolaze u kontak sa hranom imaju odgovarajuću uniformu.

Kontrolu hrane i briseva čistoće ruku i predmeta opće upotrebe 2 puta mjesečno vrši ZU Zavod za javno zdravstvo USK-a.

### **Vodosnabdijevanje**

Tranzitni centar "Borići" se s vodom snabdijeva iz gradskog vodovoda koji je pod uparvom JP "Vodovod" d.o.o. Bihać, dok se TRC Lipa s vodom snabdijeva iz lokalnog vodovoda Begovac, a zdravstvenu ispravnost vode za piće vrši ZU Zavod za javno zdravstvo USK-a, (mikrobiološka i fizičko - kemijska analiza).

Nakon većih padavina, korisnicima centra se distribuira flaširana voda.

### **Higijena**

Sobe, kontejneri i zajednički prostor u kojem borave migranti čiste se najmanje dva puta dnevno, a po potrebi i više puta. Sobe za spavanje u TRC Borići trenutno nisu prenapučene takođe i u TRC Lipa kontejneri nisu prenapučeni ali su kapaciteti u TRC Lipa popunjeni. Svaka soba ima korpu za odlaganje smeća.

Vešeraj je pod ingerencijom Karitasa, gdje se na higijenski način vrši mašinsko pranje i dezinfekcija posteljine i ostalog rublja. Dezinfekcija rublja se vrši s klornim preparatom s visokim učešćem aktivnog klora.

U Borićima i Lipi postoji dovoljan broj tuš i WC kabina koje se redovno održavaju.

Paketi sa sredstvima za ličnu higijenu dijele se svim migrantima ponaosob.

Higijena u svim sanitarnim čvorevima je na zadovoljavajućem nivou.

### **Dispozicija otpadnih materija**

Čvrste otpadne materije se prikupljaju u kante u kojima se nalaze vreće za smeće te kontejnere postavljene u dvorište. Dispoziciju čvrstog otpada svakodnevno vrši JKP Komrad Bihać.

Dispozicija otpadnih voda u TRC Borići se vrši putem gradske kanalizacije dok se na Lipi

uklanjanje sanitarno-fekalnih otpadnih voda vrši u septičku jamu na higijenski i neškodljiv način po okoliš. Septička jama se prazni jedan put mjesečno po potrebi i više puta.

### **Kontrola dezinfekcije, dezinfekcije, deratizacije**

Za sprečavanja i širenje zaraznih oboljenja veoma su važne DDD mjere koje se sprovode redovno, prema Pravilniku načinu obavljanja obavezne dezinfekcije, dezinfekcije i deratizacije, osim dezinfekcije koja se vrši jedan puta sedmično, a izvode je uposlenici JP Veterinarska stanica Bihać.

Otrov za miševе postavljen je na skrovitim mjestima, mamaci su stavljeni u kartonske kutije sa oznakama, što sprečava njegovo rasipanje i propadanje, te kontakt neciljanih vrsta. Kutije su označane oznakama upozorenja, numerisane, a sve radi lakšeg monitoringa i nadopunjavanja istih.

Naljepnice za sprovedene DDD mjere su istaknute na vidnim jestima.

### **Epidemiološka /zdravstvena/ procjena**

Prilikom izviđanja u TRC Lipa zabilježeno je pojava stjenica što je od javnozdravstvene važnosti uglavnom zbog njihovih neugodnih uboda, a često predstavljaju i najozbiljniji zdravstveni problem za mnoge pojedince zbog psihološkog stresa uzrokovanog ubodima. Zaposlenica IOM koja se brine o javnom zdravlju u centrima poduzela je opće preventivne mjere u smislu izmještanja migranata iz kontejnera, zamjeni madraca i garderobe, te je pozvala Veterinarsku stanicu da uradi Dezinfekciju. Zavod za javno zdravstvo izradio je smjernice za uništavanje i širenje stjenica.

Imajući u vidu da je dio Bosne i Hercegovine pogodila epidemija morbila, poznatijih kao ospice ili krzamak, a problem predstavlja i pojava pertusisa, poznatog još i kao hripavac ili veliki kašalj, provjerili smo prijave zaraznih bolesti iz migrantskih centara i utvrdili da nema niti jedne prijave pomenutih oboljenja u TRC kod migrantske populacije.

Na našem kantonu nemamo niti jednu prijavu oboljelih od morbila, dok se u prošloj godini (2023.) bilježi 8 prijavljenih slučajeva oboljelih od velikog kašlja i to kod domicilnog stanovništva.

Zbog povećanog priliva migranata i pojave navedenih oboljenja u našem okruženju, rizik od pojave kako morbila i velikog kašlja tako i drugih zaraznih bolesti raste.



Timovi domova zdravlja su 24 sata na raspolaganju u oba TRC. U TRC Borići zbog smještaja djece radi i pedijatar koji pored ostalog vrši provjeru vakcinalnog statusa i vrši vakcinaciju djece.

### Preporuke

- Zbog povećanog broja korisnika i dalje se preporučuje češće čišćenje i dezinfekcija sanitarnih čvoreva kako bi se spriječilo širenje neugodnih mirisa i moguće pojave infekcije.
- Pojačano čišćenje i dezinfekcija zajedničkih prostorija.
- Kontinuirana edukacija korisnika kampa o prevenciji zaraznih bolesti.
- I dalje se preporučuje pojačano čišćenje i dezinfekcija sanitarnih čvorova kako bi se spriječila moguća pojava zaraznih oboljenja.
- Edukacija osoblja i korisnika centra o suzbijanju stjenica
- Obratiti pažnju na prijavljivanje zaraznih bolesti
- Kontinuirana provjera vakcinalnog statusa djece
- Kontrola energetske vrijednosti obroka



VD direktora:  
Merdisa dr Smajlović

Dostavljeno:

1. Naslovu
2. Ministarstvu zdravstva USK-a
3. a/a

03

Naš znak 02-33-965-1/2024  
Datum 31.1.2024. godine

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
VLADA UNSKO-SANSKOG KANTONA  
OPERATIVNA GRUPA ZA  
KOORDINIRANJE AKTIVNOSTI I  
NADZORA NAD MIGRANTSKOM  
KRIZOM NA PODRUČJU USK

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
BIHAĆ

PRIMLJENO 02-02-2024			
Organizacija jedinica	Stanovište/izdvojenica	Službeni broj	Broj prijil
03-45-1183-2/24			

**PREDMET: Informacija o stanju migrantske krize, dostavlja se**  
**VEZA: Vaš akt broj: 03-45-1183-1/24 od 29.01.2024.godine**

Poštovani,

Kantonalna bolnica "Dr.Irfan Ljubijankić" Bihać ima potpisan ugovor o saradnji sa Predstavništvom strane nevladine organizacije Danish Refugee Council u okviru projekta „Obezbjeden pristup zdravstvenim uslugama i zaštiti ljudskih ljudskih prava za tražioce azila, izbjeglice i migrante u Bosni i Hercegovini” kojim su regulisana međusobna prava i obaveze ugovorenih strana u vezi sa refundacijom troškova za pružanje medicinske pomoći od strane zaposlenih zdravstvenih radnika i saradnika ZU „Kantonalna bolnica Dr. Irfan Ljubijankić" Bihać izbjeglicama, tražiocima azila i migrantima na teritoriji Unsko-sanskog kantona. Za svako lice kojem usluga bude pružena u našoj Ustanovi, ukoliko nije došao sa uputnicom koja na sebi sadrži pečat kojim je označeno da je isti prošao DRC referalni mehanizam upućivanja, bolnica je u obavezi da se pismenim putem obrati DRC-u i zatraži saglasnost za plaćanje.

Pomenuta Organizacija se Ugovorom obavezala da će platiti troškove pruženih usluga za sva lica koja su prošla njihov referalni mehanizam upućivanja, što znači da sva lica koja budu dovedena u bolnicu od strane bilo koje partnerske organizacije DRC-a koja je angažovana u pružanju pomoći migrantima ili Doma zdravlja ili policije, a da je prethodno o tome obavješteno Predstavništvo strane nevladine organizacije Danish Refugee Council bolnički troškovi za pružene usluge licu iz migrantske populacije budu plaćeni. Međutim, ukoliko isto lice bude dovedeno u bolnicu, a da prethodno Predstavništvo strane nevladine organizacije Danish Refugee Council nije obavješteno, bolnički troškovi za pružene usluge ne budu pokrivena. S tim u vezi, smatramo neophodnim da se informacija o upućivanju odnosno dovođenju pacijenta iz migrantske populacije u bolnicu dostavi i predstavniku DRC-a kako KB Bihać ne bi imala troškove koje niko neće pokriti i kako ne bi bili na gubitku.

U Kantonalnoj bolnici "Dr. Irfan Ljubijankić" Bihać tokom 2023.godine su pružene usluge za 284 lica za koje je Predstavništvo strane nevladine organizacije Danish Refugee Council platilo troškove, od toga 18 lica je liječeno bolnički, a za ostalih za 266 lica usluge su pružene u CUM, odnosno Specijalističkim ambulancama ili Službama za laboratoriju, Mikrobiologiju Transfuziologiju ili Radiologiju. Neophodno je naglasiti da je većini lica iz

migrantske populacije od navedenih 284 lica usluga pružena u nekoliko različitih ambulanti odnosno službi kako bi pacijent adekvatno bio zbrinut. Vrlo često jedan pacijent nakon pregleda i zbrinjavanja u CUM-u bude upućen u jednu ili više ambulanti na specijalističke preglede, te mu bude urađena laboratorijska i RTG dijagnostika.

Naša Ustanova također ima potpisan Ugovor i sa Populacijskim fondom Ujedinjenih naroda za pružanje usluga seksualno-reproduktivnog zdravlja za migrante/izbjegice a koji je baziran na pružanje ginekoloških, dermatoveneroloških, uroloških, laboratorijskih, mikrobioloških, transfuzioloških i radioloških usluga, a na osnovu uputnice ljekara angažovanog ispred UNFPA.

Tokom 2023.godine pruženo je 79 usluga licima iz migrantske populacije koji su u KB Bihać upućeni sa uputnicom koju je izdao ljekar angažovan ispred UNFPA.

I jedna i druga Organizacija sa kojom bolnica ima potpisane ugovore redovno izvršavaju obaveze plaćanje nastalih troškova u skladu sa ispostavljenim fakturama i popratnom dokumentacijom koja je regulisana Ugovorom.

Također, važno je naglasiti da i Služba za patološku anatomiju ima značajnu ulogu, obzirom da se u istoj pružaju usluge korištenja frižidera kako za migranate koji su preminuli u našoj Ustanovi, tako i one koji su preminuli ili smrtno stradali na području našeg Kantona. Tokom 2023.godine u Službi za patološku anatomiju bilo je smješteno 5 preminulih migranata i svi su preuzeti od strane pogrebnih preduzeća koja su angažovana od strane porodice posredstvom nadležnih Ambasada radi transporta u matične zemlje. Usluge korištenja frižidera u Službi za patološku anatomiju plaćaju se od strane porodice posredstvom angažovanih pogrebnih preduzeća. U slučajevima kada u Službu primimo lice koje nema utvrđen identitet i vodi se kao NN lice i kod nadležnih organa MUP i Službe za poslove sa strancima, obavijestimo JKP Komrad u Bihaću koji vrši preuzimanje i ukop tijela preminulog na Gradsko mezarje/groblje Humci u Bihaću i u tom slučaju naši troškovi korištenja frižidera ne budu pokriveni.

Kao problem u radu ističemo teškoće u komunikaciji obzirom da pacijenti iz migrantske populacije dolaze iz zemalja sa različitih govornih područja i nisu nam uvijek dostupni prevodioci naročito kada se pregled vrši poslijepodne ili u večernjim satima, također susrećemo se sa problemom nepreuzimanja pacijenta nakon završenog pregleda kada budu dovezeni na način da o njihovom dovođenju u bolnicu prethodno nije obaviješten DRC, koji inače organizira i preuzimanja pacijenta iz bolnice koji su upućeni kao njihovi referali.

Smatramo neophodnim da i policijski službenici prilikom dovođenja lica iz migrantske populacije na pregled u našu Ustanovu prethodno ostvare komunikaciju i sa predstavnicima DRC-a, obzirom da nam niko ne plaća račune za usluge pružene licima koje policija dovodi na pregled. Također, neophodno je i Domovi zdravlja da obavijeste predstavnike DRC-a o postojanju potrebe za upućivanjem migranatskog lica u bolnicu, kako bi bolnici bili plaćeni troškovi pruženih usluga.

Tokom 2023.godine bolnica nije dobila saglasnost DRC-a za plaćanje 23 računa za usluge pružene licima koji su upućeni u KB Bihać bez prethodnog obavještanja DRC-a o

upućivanju pacijenta u bolnicu. Ukupan iznos koji bolnici neće biti plaćen za 2023.godine je 3.255,60 KM.

S poštovanjem,



VD DIREKTOR

dr.med.Hajrudin Havić  
Specijalista urgentne medicine

Obradivač akta:

Emina Kreso, dipl.def.

Pomoćnik direktora za nemedicinske poslove:

Dizdarević Zuhra, dipl.ecc.

Dostavljeno:

1. Naslovu,
2. U spis,
3. A/a.



B/1

Broj: UP-1-17-45-00843/24-1711DD-002  
Datum, 1. 2. 2024. Godine

**OPERATIVNA GRUPA ZA KOORDINIRANJE AKTIVNOSTI I  
NADZORA NAD MIGRANTSKOM KRIZOM NA PODRUČJU  
UNSKO-SANSKOG KANTONA**

**PREDSJEDNIK  
NIJAZ HUŠIĆ, MA**

**PREDMET:** Informacija, dostavlja se  
**VEZA:** Vaš akt broj: 03-45-1183-1/24 od 29.01.2024.godine

Poštovani,

Kantonalna uprava za inspekcijske poslove je shodno svojim zakonskim ovlaštenjima u prethodnom periodu provodila pojačane inspekcijske nadzore iz nadležnosti inspekcije za cestovni promet i ceste, odnosno inspektori ove Uprave vršili su pojačane kontrole učesnika u saobraćaju koji vrše prevoz putnika- stranih državljana sa posebnim fokusom na taksi prijevoz.

Od 15.09. 2023. godine do 31.01.2024. godine izvršeno je 80 kontrola (pravna i fizička lica koja se bave prijevozom putnika/stranih državljana) i iste su rezultirale poduzimanjem adekvatnih radnji i mjera od strane postupajućih inspektora.

Prilikom ovih kontrola utvrđeno je:

- da 11 (jedanaest) fizičkih lica vrši nelegalni javni prijevoz putnika(stranih državljana) i istima je, uz prekršajni nalog izdano rješenje o privremenoj zabrani obavljanja prijevoza putnika;
- kod 5 (pet) pravnih lica, registriranih za prijevoz putnika (taksi) utvrđeno je da angažuju radnike bez ugovora o radu i prijave na obavezno osiguranje (rad na crno). Istima je izdan prekršajni nalog;
- kod 6 (šest) fizičkih lica koji imaju registriran obrt javni prijevoz putnika ( taksi prijevoz) da isti lica imaju registrirana dva, tri i više vozila, što je suprotno zakonskim odredbama. Istima je uz prekršajni nalog izdano rješenje o privremenoj zabrani rada;
- kod 47 subjekata nadzora utvrđeno je da se vrši prijevoz putnika (stranih državljana) većeg broja od broja registriranih mjesta vozila. Uz prekršajni nalog, prema vozačima i vlasnicima vozila je nadležnom sudu upućen Zahtjev za pokretanje prekršajnog postupka protiv vozača i vlasnika kontrolisanih vozila.

Također, inspektori Inspektorata tržišno,turističko-ugostiteljske inspekcije u saradnji sa Službom za poslove sa strancima vršili su kontrole nelegalnog smještaja stranih državljana (migranata) Po zahtjevu Službe za poslove sa strancima tokom prošle godine u dva navrata vršili su kontrole nelegalnog smještaja stranih državljana (migranata) i to oba puta na području općine Velika Kladuša (Bojna).

Iz svega navedenog, mišljenja smo da je jedan od načina poboljšanja trenutne situacije, kada je u pitanju migrantska kriza, a u kontekstu poslova i mjera koje ova Uprava u okviru svoje nadležnosti

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
BIHAĆ

PRIMLJENO 02-02-2024

Organizaciona jedinica	Klasifikaciona oznaka	Redni broj	Broj prijloga
03	45-1183	183	3/24



može poduzeti, nastavak pojačanih aktivnosti, a posebno kada je u pitanju kontrola pravnih i fizičkih lica koja se bave prijevozom stranih lica (migranata).

S poštovanjem,


**Dostavljeno:**

- 1 x Naslovu
- 1 x Evidencija
- 1 x Arhiva



**DIREKTOR**

  
**Šerif Kosatica, dip.ing.maš.**



09  
Broj: 03-45-1183-1/24  
Bihać, 06.02.2024.godine

**Operativna grupa za koordiniranje aktivnosti i nadzora nad migrantskom krizom  
na području Unsko-sanskog kantona  
n/r Premijera**

**PREDMET:** Informacija u vezi zdravstvene i epidemiološke situacije s preporukama, dostavlja se  
Veza Vaš akt br. 03-45-1183-1/24 od 29.01.2024.godine

Poštovani,

U posljednje vrijeme je primjećen povećan priliv migranta i tražioca azila na područje Unsko-sanskog kantona, tako da su smještajni kapaciteti u Borićima i Lipi skoro popunjeni. Velik broj pristiglih migranata i tražioca azila povećava i zdravstvene, odnosno epidemiološke izazove sa kojima se moraju nositi zdravstvene ustanove.

Prihvatni centri su pokriveni zdravstvenim uslugama na način da unutar istih djeluju medicinski timovi Doma zdravlja Bihać i to ponedjeljkom, srijedom i petkom, te se putem istih osigurava primarna zdravstvena zaštita.

U prihvatnom centru Borići angažovan je pedijatar koji vrši provjeru vakcinalnog statusa i vrši vakcinaciju djece. Zajedno sa medicinskim timovima, teret zdravstvenih usluga u snosi Dansko vijeće za izbjeglice.

U toku je procedura sklapanja novog ugovora između Doma zdravlja Bihać i DRC-a.

Ono što predstavlja problem za Dom zdravlja Bihać jeste nedostatak doktora koji bi pokrivali ove prihvatne centre, pogotovo u vrijeme godišnjih odmora.

Sekundarna zdravstvena zaštita se osigurava u Kantonalnoj bolnici „Dr. Irfan Ljubijankić“ Bihać. Troškovi sekundarne i dijela tercijarne zdravstvene zaštite izmiruju se preko implementacionog partnera Danskog vijeća za izbjeglice.

Naime, Kantonalna bolnica "Dr. Irfan Ljubijankić" Bihać ima potpisan ugovor o saradnji sa DRC u okviru projekta „Obezbeđen pristup zdravstvenim uslugama i zaštiti ljudskih i ljudskih prava za tražioce azila, izbjeglice i migrante u Bosni i Hercegovini" kojim su regulisana međusobna prava i obaveze ugovorenih strana u vezi sa refundacijom troškova za pružanje medicinske pomoći od strane zaposlenih zdravstvenih radnika i saradnika ZU „Kantonalna bolnica Dr. Irfan Ljubijankić" Bihać.

U Kantonalnoj bolnici "Dr. Irfan Ljubijankić" Bihać tokom 2023. godine su pružene usluge za 284 lica, a od toga 18 lica je liječeno bolnički, a za ostalih 266 lica usluge su pružene u CUM, odnosno putem specijalističkih ambulanta ili službi za laboratoriju, mikrobiologiju transfuziologiju ili radiologiju.

Kantonalna bolnica "Dr. Irfan Ljubijankić" Bihać ima potpisan ugovor i sa Populacijskim fondom Ujedinjenih naroda za pružanje usluga seksualno-reproduktivnog zdravlja za

migrante/izbjegice, a koji je baziran na pružanje ginekoloških, dermatoveneroloških, uroloških, laboratorijskih, mikrobioloških, transfuzioloških i radioloških usluga, a na osnovu uputnice ljekara angažovanog ispred UNFPA.

Tokom 2023. godine pruženo je 79 usluga licima iz migrantske populacije koji su u KB Bihać upućeni sa uputnicom koju je izdao ljekar angažovan ispred UNFPA.

Ministarstvo zdravstva, rada i socijalne politike, u saradnji sa Zavodom za javno zdravstvo Unsko-sanskog kantona prati kretanje zaraznih bolesti kod populacije migranata i tražilaca azila.

Zavodu za javno zdravstvo Unsko-sanskog kantona vrši higijensko-epidemiološki nadzor nad objektima, hranom, vodosnabdijevanjem, higijenom, dispoziciji otpada, kontroli DDD mjera i epidemiološkoj procjeni smještaja.

U pogledu hrane treba napomenuti da kontrolu hrane i briseva čistoće ruku i predmeta opće upotrebe vrši Zavod za javno zdravstvo Unsko-sanskog kantona dva puta mjesečno. Također se vrši mikrobiološka i fizičko-hemijska analiza vode. Što se tiče higijene u prihvatnim centrima, sobe, kontejneri i zajednički prostori se čiste 2 puta dnevno, dok se vrši i mašinsko pranje i dezinfekcija posteljine i ostalog rublja sa klornim preparatom s visokim učešćem aktivnog klora.

Ono što je primjećeno jeste pojava stjenica u prihvatnom centru Lipa koja zbog neugodnih uboda, mogu predstavljati ozbiljan zdravstveni problem. Poduzete su određene mjere u pogledu suzbijanja stjenica (zamjena madraca i garderobe, te izmještanje iz kontejnera), a Zavod za javno zdravstvo Unsko-sanskog kantona je izradio smjernice za uništavanje i širenje stjenica.

Pored toga, bitno je napomenuti da je našem okruženju, kao i pojedinim dijelovima naše zemlje, došlo do pojave morbila i velikog kašlja. Kako migranti na putu do Unsko-sanskog kantona prolaze na kroz područja sa povećanim brojem zaraženih, tako i značajno raste mogućnost za širenje morbila i velikog kašlja u našem kantonu.

Imajući u vidu aktivnosti koje provodi Zavod za javno zdravstvo Unsko-sanskog kantona, te procjene koje vrši, podržavamo preporuke o češće čišćenju i dezinfekciji sanitarnih čvoreva kako bi se spriječilo širenje neugodnih mirisa i moguće pojave infekcije i zaraznih oboljenja. Također podržavamo preporuke u pogledu pojačanog čišćenja i dezinfekcije zajedničkih prostora, kao kontinuirane edukacije korisnika kampa o prevenciji zaraznih bolesti i suzbijanju stjenica, kao i kontinuiranoj provjeri vakcinalnog statusa djece, te kontrolisanja energetske vrijednosti obroka.

Pored toga, Kantonalna bolnica ima teškoće u komunikaciji obzirom da pacijenti iz migrantske populacija dolaze iz zemalja sa različitih govornih područja i nisu uvijek dostupni prevodioci. Stoga je potrebno da međunarodne organizacije koje pružaju pomoć migrantima imaju dostupne prevodioce kako bi u tom dijelu saradnje sa Kantonalnom bolnicom bilo što manje problema.

Također, podržavamo i preporuku Kantonalne bolnice u pogledu potrebe da MUP USK ostvari detaljniju saradnju sa predstavnicima DRC-a, obzirom da račune za usluge pružene licima koje policija dovodi na pregled niko ne plaća, te bi stoga bilo potrebno urediti i postupanje MUP USK u situacijama kada se putem policije dovode migranti u Kantonalnu bolnicu.

S poštovanjem.

Obrađivač akta: Alibegović Sakib, dipl.pravnik

Dostavljeno:

1. Naslovu,
2. a/a.





DRUŠTVO CRVENOG KRIŽA/KRSTA BOSNE I HERCEGOVINE  
CRVENI KRIŽ FEDERACIJE BOSNE I HERCEGOVINE  
CRVENI KRIŽ UNSKO-SANSKOG KANTONA

Broj: 62/24

Datum: .07.02 2024.godine.

PREDMET: INFORMACIJA

Na osnovu Vašeg zaključka operativne grupe dostavljamo Vam pismenu informaciju o stanju migrantske krize na području Unsko-Sanskog kantona u koju je uključen Crveni križ USK-a. Imajući u vidu povećan je broj migranata na području Unsko-sanskog kantona a posebno onih koji se nalaze van kampova u tranzitu i mikro lokacijama.

Crveni križ kroz angažman- Mobilni timovi svakodnevno vrše obilazak lokacija terena USK-a, gdje u tranzitu pruža podršku i pomoć migrantima koji se nalaze van kampa. Na dnevnoj osnovi se posluži najmanje oko 50 migranata koji su u pokretu sa lunch paketom, higijenom, odjećom, obućom, psiho-socijalnom podrškom i pružanjem prve pomoći.

U koordinaciji sa drugim nevladinim Organizacijama koje vrše transport, rade prijavu i obavješavaju o broju i mjestu gdje se trenutno nalaze migranti kojima treba ova vrsta pomoći. Što se tiče kampa Lipa, CK USK-a radi na pripremanju i distribuciji sva tri (3) obroka za 1.500 migranata gdje u postojećem kampu radi i tim za pružanje prve pomoći uz podršku DRC-a. Možemo slobodno reći da je situacija sa migrantima stabilna i pod kontrolom.

Predsjednik Crvenog križa USK-a





Broj: 15-02-1183-<sup>6</sup>/24  
Dana, 06.02.2024. godine

Vlada Unsko-sanskog kantona  
Ured Vlade

Predmet: Informacija-dostavlja se,

Poštovani,

Na osnovu Vašeg akta br. 03-45-1183-1/24 od 29.01.2024.godine, a vezano za Zaključak Operativne grupe za koordiniranje aktivnosti i nadzora nad migrantskom krizom na području Unsko-sanskog kantona, želimo vas informisati da Kantonalna uprava civilne zaštite ne raspolaže sa podacima o sigurnosnoj, zdravstvenoj i epidemiološkoj situaciji, kao što je traženo Zaključkom.

Uzimajući naprijed navedeno, ne možemo predložiti, ni mjere koje bi imale za cilj unaprjeđenje i poboljšanje trenutne situacije.

**Smatramo da posebnu pažnju trebamo posvetiti kretanju zaraznih bolesti među migrantskom populacijom.**

S poštovanjem,

Dostavljeno:

1. Naslovu,
2. a/a

